

Uⁿderschiedliche vor= messung so der Zwitter stock= weyßs ym Berge liegen würde.

Nach dem auch vermutlich / das auff diesem vn=
serm Bergkwerck der platten / an etzlichen enden
der zwitter zu preyten blick leytt vnd zuachten / als
were es ein gantzer stock ym berge wo dem also vnd aus=
fündig gemacht / wollen wir / das vnser Bergkmeister
die vorliehen lehen vnd massen / yn solchem zufal / vnd
stock mit soviel wehren die vorliehen in die lenge vormes=
sen / vnd also quer vber sieben lachter / zu ihrer vierung
gemessen sollen werden / solchs alles ordentlich am tag
vorlochsteinet / vnd darnach den andern negsten vorlie=
hen lehen vnd massen des orts / der gestalt anzuhalden
vnd auch der gestalt vermessen werden / dorbey sollen
vnser Bergkmeister vn geschworne / guete auffachtung
geben / wo der zwitter nicht / als stockweis so breit vnd
lang ym berge liegen würde / das man massen der gestalt
geben kan wie angezeigt ist / sollen die zechen / lehen vnd
massen / anders nit vermessen werden / den wie yn vor=
gemelten Artickel begriffen.

So zechen yn vnser freies fallen.

So auch eine oder mehr zechen yn vnser freies fallen /
vnd einander die auffnemen wolt / soler die zuuor /
mit den geschwornen drey anfarende schicht be=
sichtigen lassen / wo die vngebauct befunden / als dan sol
der